

**Notat**Dato: 07.04.2017  
Arkivsak: 2015/943-58  
Saksbehandlar: hanglop1

---

**Til:** Roald Breistein  

---

**Frå:** Hans Inge Gloppen  

---

**Selskapskontroll i Hardanger AKS AS – statusrapport 07.04.2017****Bakgrunn**

Då kontrollutvalet handsama «Handlingsplan – selskapskontroll av Hardanger AKS AS» (saknr. 117/16) den 20.10.2016, vart det bedt om ny status på arbeidet i form av skriftleg tilbakemelding innan 31.3.2017. Det vart også tilrådd at denne tilbakemeldinga inneheldt dokumentasjon som viser kva som er gjort i praksis på kvart av forbetningspunkta. Vedtaket i kontrollutvalet var som følgjer:

1. *Kontrollutvalet ser positivt på det arbeidet som er starta opp, både av fylkesrådmannen og av styret/dagleg leiar, i samband med selskapskontroll av Hardanger AKS AS.*
2. *På bakgrunn av at det meste av forbetningsarbeidet skal vera ferdig innan utgangen av mars 2017, ber kontrollutvalet om ny status på arbeidet i form av skriftleg tilbakemelding innan 31.3.2017. Denne tilbakemeldinga må innehalde dokumentasjon som viser kva som er gjort i praksis på kvart av forbetningspunkta.*

**Tiltaka i handlingsplanen**

Etter oppdrag frå fylkestinget har fylkesrådmannen laga ein prioritert handlingsplan som viser kva tiltak som skal setjast i verk for å følgja opp tilrådingane i rapporten frå Deloitte, når tiltaka skal setjast i verk og kven som skal ha ansvaret for iverksettinga.

**Handlingsplan og tiltak for å følgja opp selskapskontrollen av Hardanger AKS**

Oppfølgingspunkt	Handling/Tiltak	Ansvar	Frist
1. Vurderer å stille krav til styra om å gjennomføre styreevalueringar, kompetansevurderingar, utarbeide årleg plan, styreinstruks og instruks for dagleg leiar.	Syte for at styret utarbeider årleg plan, styreinstruks og instruks for dagleg leiar.	Hordaland fylkeskommune sin representant på generalforsamlinga i Hardanger AKS	Generalforsamling i Hardanger AKS AS mai 2017
2. Vurderer å sende fylkeskommunen si eigarmelding og eigarstrategiar til selskapa fylkeskommunen har eigarskap i, slik at fylkeskommunen sine rutinar for eigarstyring er kjent for selskapa.	Hordaland fylkeskommune er i gong med å utarbeida ny eigarskapsmelding for 2016. Når den er vedtatt av fylkestinget i desember 2016 skal den gjerast kjent for alle selskapa fylkeskommunen har eigarskap i.	Regionalavdelinga ved seksjon for næring og lokalsamfunnsutvikling	Januar 2017
3. Vurderer å slutta seg til eigarstrategien til Kvam herad	Kvam heradsstyre sin «Eigarstrategi 2015-Hardanger AKS AS» skal gjerast kjent for	Regionalavdelinga ved Seksjon for næring og	Fylkestinget desember 2016

	politisk- og administrativ nivå i Hordalandfylkeskommune.	lokalsamfunnsutvikling	
4. Sørger for at krava i den generelle avtalen som er inngått mellom Hordaland fylkeskommunen og Hardanger AKS blir etterlevd. Under dette sørge for at det blir inngått elevkontraktar mellom skulen og selskapet, og at selskapet dokumenterer eleven sin arbeidspraksis i tilstrekkeleg grad før fylkeskommunen betaler for praksisplassen.	<ul style="list-style-type: none"> <li>• Den vidaregåande skulen eleven går på, har det administrative og faglege ansvaret for arbeidspraksisen.</li> <li>• Den vidaregåande skulen søker plass i bedrifta for den einskilde elev.</li> <li>• Skulen og bedrifta skal ha tett samarbeid om eleven.</li> <li>• Den vidaregåande skulen har ansvar for å konkretisere opplæringsmåla.</li> <li>• For kvar elev skal det ved oppstart skrivast ein standard elevkontrakt i tre eksemplar som eleven, bedrifta og skulen signerer. Hardanger AKS AS skal sende kopi av underskriven kontrakt til Opplæringsavdelinga i Hordaland Fylkeskommune ved oppstart.</li> <li>• Hardanger AKS AS har ansvaret for å utarbeide ein skriftleg rapport etter avslutta arbeidspraksis om eleven si arbeidsevne og sosiale fungering. Rapporten skal sendast til den vidaregåande skulen med kopi til opplæringsavdelinga i Hordaland fylkeskommune.</li> </ul>	Opplæringsavdelinga ved seksjon for skule	Årlege fristar som følgjer skuleåret
5. Formaliserer forventingar og krav til selskapet vedrørende oppfølging av elevane og korleis selskapet skal rapportere til skulen om til dømes manglande oppmøte og liknande.	Refusjonkrav for hausthalvåret må sendast innan 1. desember, og for vårhalvåret innan 1. juli. Rapport frå arbeidsutprøvinga og oversikt som viser frammøtte dagar og fråvær skal leggjast ved refusjonskravet	Opplæringsavdelinga ved seksjon for skule	1. desember og 1. juli.

## Status for tiltaka i handlingsplanen

### 1. Syte for at styret utarbeider årleg plan, styreinstruks og instruks for dagleg leiar.

Ansvaret for dette tiltaket er pålagt Hordaland fylkeskommune sin representant på generalforsamlinga i Hardanger AKS. Generalforsamlinga i selskapet vert truleg gjennomført i mai. Før den tid kan ikkje tiltaket gjennomførast.

### 2. Hordaland fylkeskommune er i gong med å utarbeida ny eigarskapsmelding for 2016. Når den er vedtatt av fylkestinget i desember 2016 skal den gjerast kjent for alle selskapa fylkeskommunen har eigarskap i.

Eigarskapsmeldinga vart først handsama av fylkestinget 08.03.2017 (PS 20/2017), med fylgjande vedtak:

- *Fylkestinget ber fylkesrådmannen utarbeide malar for styreinstruks, eigenevaluering i styret og eigarskapsstrategi for selskap. Malane bør nyttast i selskap fylkeskommunen eig og styrene vil verta oppmoda til å ta i bruk malane så snart som råd.*
- *Fylkestinget vedtek eigarskapsmelding 2017.*

Som ei oppfølging av dette gjorde fylkesutvalet fylgjande vedtak 30.03.2017 (PS 90/2017):

*«Ei arbeidsgruppe beståande av fylkesordføraren og gruppeleiarane i fylkestinget vert etablert. Gruppa sitt mandat er å stå for ein heilskapleg gjennomgang av Hordaland fylkeskommune sin eigarstrategi. Leiar: Fylkesvaraordføraren  
Administrasjonen stiller naudsynte sekretariatsfunksjonar tilgjengeleg for arbeidsgruppa, og vil sørge for innkalling og avvikling av møte. Arbeidsgruppa sine framlegg vert lagt fram for fylkestinget til avgjerd.»*

3. Kvam heradsstyre sin «Eigarstrategi 2015- Hardanger AKS AS» skal gjerast kjent for politisk- og administrativ nivå i Hordalandfylkeskommune.

Det er dialog med rådmann Arild McClellan Steine i Kvam herad om ny eigarstrategi. Siste oppdatering derifrå kom 06.03.2017. Den går i korte trekk ut på at Hordaland fylkeskommune får tilsendt ny eigarstrategi før den skal handsamast politisk av Kvam herad. Tidspunkt for dette arbeidet er ikkje fastsett.

Punkt 4 og 5 sorterer under opplæringsavdelinga og har frist 1. juli.

## **Oppsummering**

Med utgangspunkt i vedtaket i fylkesutvalet 30.03.2017 er det naturleg at arbeidsgruppa, når den er oppnemnt, jobbar vidare med tiltaka knytt til malar for styreinstruks, eigenevaluering i styret og eigarskapsstrategi for Hardanger AKS AS. I den samanheng bør det vurderast å føreta ein gjennomgang av avtaleverket som opplæringsavdelinga har med Hardanger AKS.